

吳江縣續志卷二十六

人物十一

列女

葉烈婦錢氏葉元豐妻順治三年寇掠至投水死年二十同治七年補旌

張烈婦孫氏監生張斐妾年二十二夫主亡帀月自縊乾隆十一年

陳貞烈婦王氏陳某聘妻廩生王杯存女某病瘵死聞訃欲以死殉父母勸止之告於陳歸之既歸拜舅姑前請一死舅曰若父母與吾兩人年皆老汝不可死婦應曰諾既皆歿卒自縊

許烈婦周氏其翁淫而不父脅婦婦以死拒撻刃刳腹而死里人訴諸官翁以瘐死

吳江縣續志

卷二十六

人物十一

一

張烈女蘆墟人父學周字黎里陳氏子壻病歿女欲奔其喪父母未之許矚親睡自縊死乾隆三十一年也張本小家女又赤貧女既死有某賃其屋更深燈炮輒唱淫冶之詞一夜忽風滅燈火其幼子忽作女聲曰汝何人敢以不入耳之詞污我某大驚駭焚香乞禱乃已里中故老傳其事而女之父兄不知貞烈爲何如事湮沒五六十年未得邀旌典也陳希恕云

顧烈婦陳氏同里人陳士任曾孫女適盛澤顧維祥三年維祥邁疾烈婦割臂肉和藥進不效及卒婦視含歛已卽絕粒曰婦失所天所以不卽死者以上奉舅姑下撫孤子故也既不逮事姑翁之養有伯姒在又未有子未亡人直贅疣耳越二十餘日守者懈縊於夫木主前而自書其生歿日月於其

旁先是陳氏有女適舉人王堡夫亡卽投繯殉爲浙江按察使錕之母於烈婦爲從祖姑也

俞烈婦趙氏牧犢潭俞萬春妻夫亡舅令其改嫁夜投水中死乾隆四十九年

顧烈婦王氏同里人適里中顧氏子閱九月夫病且死目視婦婦不語亦目視夫且泣旣死舅姑令其小姑與同臥起防其死婦乃絕粒姑與父母強之食不得已進糜粥旋悔又不食數日死距其夫死二十日乾隆五十八年八月也

詐烈婦袁氏詐愛蓮妻年二十六夫亡絕粒死

徐烈女居葉澤湖濱許字徐生徐故著姓烈女之先以他氏冒徐姓故通婚姻徐生好學善屬文其死也以病瘵烈女告父母欲詣守志父母不許遂去膏沐衣布衣見人輒引避久

吳江縣續志

卷二十六

人物十一

二

之有與父求婚者女微知之其夕卽縊死年十九

徐烈婦陳氏監生徐熙甫妻嫁六載夫死絕粒以殉

馮烈婦陳氏馮里堂妻馮賈於海鹽墮水死喪畢婦衰經自

縊

史烈婦姚氏梓樹下村史心一妻年二十一歸史後一年夫歿婦哭之欲絕母慮其死也謹防之婦給母曰死者不復生壻旣死女又死非所以安母心母且歸勿以女爲念母信之稍稍外出乘間縊於房嘉慶十年十一月也

蔡烈婦范氏年二十二適蔡坤揚五載蔡病瘵將死目婦曰汝奈何婦曰願相從卽自縊後二日蔡亦死道光二年某月袁烈婦俞氏諸生袁炘妾年二十一炘歿烈婦以遺孤泣付嫡室服毒死後炘死六十三日道光六年

程烈女盛澤人沈秉淵聘妻將婚而沈病瘵死烈女聞乘間自縊道光五年六月也年十有八沈氏迎其喪從秉淵葬不數年里中復有王烈女平望有衛烈女黎里有姚烈女云姚烈女大義圩人字徐氏子開成婚有日矣開成病歿女聞之慟絕徐蘇剪頭上髮一綰謂母曰身不能往請以此納徐氏子棺母不忍違其意持以往及還則縊於房死矣徐迎女柩合葬焉道光九年十一月徐與姚皆農家也徐達源爲之請旌如制

徐烈女盛澤人溶曾孫女字里中康氏子康病僂旋死女聞之潛易素履縊於房距康死二日康亦迎其柩合厝時道光十年烈女年十八

陸烈婦何氏黃溪人陸桂馨妻婚一載陸病歿婦有娠逾月生男閱半載殤婦哭日向所以不死者爲此也遂自縊面如生道光十一年十一月也年二十七

龐烈婦林氏農民龐五妻五死烈婦妊五月矣未斂夫之兄四意欲妻之不可旣殯又欲通之烈婦拒益力而四意不已烈婦懼爲所乘乃自縊死道光十二年六月烈婦年二十四大勝村婦不知其姓氏夫遠出不歸家餘糠覈數升啖已盡將就其鄰乞食行數步羞慙不能忍走歸闔戶忍饑以死道光十三年冬事

姚烈婦某氏平望小家女也幼字其里人姚永年姚故赤貧約婚後益無聊竄名爲營卒仰口糧自活由是母欲更嫁婦婦堅不可則怒曰汝夫終不能娶我爲若計耳吾能常食汝耶則起謂母曰母爲兒計良苦請自今毋累母矣遂自傭於

人爲婢於是婦年方十九積十年年二十九計其傭之值與私所積累可數十金乃請媒氏謂姚使迎已時姚已無屋婦爲賃屋一椽無衣爲製衣操作益刻苦有一兄公儼然無室家亦爲補紉製襪履夫雖貧時時爲樗蒲戲嘗襍被從其營弁出及歸則已質被償博進婦急撤已被與之居半年夫死婦號慟欲絕眾苦勸乃止曰我嫠也不可與兄公同居因界其屋爲兩婦終不以爲然吳俗終七七日脫首經婦卽以是日詣嚮所傭主家若辭別然陽陽如平時顧瘠甚心異之更數日使人視之則已死矣道光十三年某月日也鄰之人與其兄公不知婦所由死惟覺炊飯常不減蓋以絕粒死而又自掩其跡也

盛烈女大勝村人父早死依母以居字玉字圩費氏子以貧故未婚而費遘瘵疾死其母故費出也方壻病篤時母往視之女沐浴更衣入臥內縊死先費氏子十日死年二十二道光十三年六月也

張烈婦楊氏張鈐妻鈐歿無子烈婦自經者再皆以救免旣終喪乃告舅姑曰婦計必出於死所以未死者徒以夫几筵在耳遂絕粒臨歿出素履授其母曰此兒手製物必以殮語訖而卒烈婦年二十而嫁二十五而死道光十三年七月也倪烈婦周氏戚字圩人倪素無行與婦別居婦撫子女紡績自給一日倪將鬻其婦婦聞之大慟自經死年二十八王烈女前窰村人字陳玉珍陳死女聞耗方織顏色自若至夜易素服自經死年二十陳感其義烈以笄服來視含殮與玉珍合葬迴龍橋側

金烈婦某氏盛澤染匠金某妻金本紹興人失業賣其女踰月又將賣其妻已成約矣婦聞之投水死

錢烈婦費氏錢廷楹妻夫死時有娠既生男乃自縊距夫死七十五日道光二十一年

繆烈婦邱氏同里人父爲匠冶銅父歿依母居年十九嫁繆文郁文郁父兄皆前死爲磨豆家傭積錢娶婦娶三十九日文郁死道光二十四年二月也先是同里有敝俗二三月間卜夜把火秉炬迎猛將神里少年傅粉墨衣婦人衣爭爲姚冶狀參錯其間文郁雖爲傭故麗佼人強之爲婦裝日眈過里門女伴或呼婦曰若夫被服紈素勝彼傭時多矣盍出觀諸婦曰丈夫也而巾幗之羞死矣闔其戶不觀文郁歸婦誚責之戒毋出越宿文郁病或讓婦曰神悅若夫若故阻若夫

吳江縣續志

卷二十六

人物十一

五

若夫卽死若何以對若夫婦曰吾聞聰明正直則爲神豈以茫昧致人死哉吾夫未卽死卽死吾與俱死耳然而文郁竟死婦旣殮夫招母與居謂母曰夫死矣兒速追之可及乎母駭其言然而陽陽如平時居三日復謂母曰兒藉夫傭以食今夫死兒故與母造冥鏹爲生今與母理舊業母入市市楮毋遲也母去半炊頃卽返返則婦縊於夫木主旁面如生氣絕矣里人金黃鐘爲聞於有司得旌又謀於眾斂錢葬烈婦與其夫并其舅姑與兄若嫂去烈婦居不數武爲數坎掩焉董兆熊爲烈婦墓表而陳壽熊哀烈婦志爲賦同里春鐙

寒	國	炊	梳	行
惻	徧	菽	頭	如
惻	索	乳	皆	日
霜	吳	浪	楚	出
飄	兒	說	楚	東
瓦	選	松	小	南
看	妙	陵	家	隅
殺	齡	八	新	新
神	何	月	婦	聘
清	晏	鐙	貧	蛾
衛	幾	鬧	家	眉
洗	曾	蛾	女	鄰
馬	施	時	板	女
明	粉	節	橋	妒
月	澤	興	茅	舊
香	馮	飛	店	穿
塵	殷	騰	自	犢
鬧	無	妝	春	鼻
比	奈	成	風	市
鄰	步	越	同	門
殘	娉	豔	聽	居
燈	婷	須	荒	掃
獨	春	傾	雞	地

夜悲新寡連環化爲鏡破亂斷續哀猿絕上天破鏡不
成圓地連無限空說清門裔妙解文重風義經過朱闥
已知素幃旁青衿名助飲人觀欵懣情滿戶庭正憐兒女太癡
問因依慷慨傾囊相信有觀生儻儻衆情捧古銅里中三萬戶癡
生齊驚上客雲天雙鬢貌得玉臺眞眾下手成鴛塚似羊褌
香閣暮拜韓憑婦寂歷飄風雨此與照幽姿相攜可似羊褌
亭時蓮漏不掃曾祠夜室漆燈重重玉照幽姿相攜可似羊褌
果道奴學掃眉姓漆燈重重玉照幽姿相攜可似羊褌
怪道奴學掃眉姓漆燈重重玉照幽姿相攜可似羊褌
情死甯非慧貞石銘遺烈誰向荒林賞後凋窗姊妹肩相節
易沈銷自非貞石銘遺烈誰向荒林賞後凋窗姊妹肩相節
亞墳斷月年黃昏斷岸無風渡鬼野煙多處棠梨發疑是亭女
郎墳畔黃昏斷岸無風渡鬼野煙多處棠梨發疑是亭女
壁人雙

陳烈婦陸氏陳文瀾妻嫁文瀾生二子矣文瀾死婦欲殉之
其姒解之曰夫喪服三年殉者背禮且如二孤何婦曰諾及
終喪釋服婦哭甚哀久之息漸微遲明卒矣年三十二人謂
婦忍之三年決於一夕其志蓋素定也

吳江縣續志 卷二十六 人物十一 六

四 顧烈婦王氏顧後超妻婚半載夫亡絕粒十八日卒年二十

桂烈婦吳氏桐鄉縣桂某妻桂疾篤婚之夕不能成禮桂死
或勸之改嫁不從鬱泣致病死

張烈婦葉氏張元洪妻嫁逾年夫亡始不食姑強之食飲鹽
澗被覺傾之適其家火投燼中又挽出之明年正月乘間自

縊年二十四 施烈婦周氏施某妻婚三月寡守六年絕粒死

諸葛烈婦金氏諸葛聖立妻聖立客外傳言聖立死婦服毒
殉年二十九

某烈婦沈氏某妻某貧甚一日負米歸戲謂婦曰以汝易之
婦信之投水死

史烈婦姚氏史省一妻年十八夫亡自縊

徐烈女鳳姑隨母改適施氏母許字優人某女恥之自縊死
張烈女農家女也字俞氏子父與俞有隙鬱不伸而死女不
忍父之死而嫁其仇遂自縊

沈烈婦程氏嫁里人沈格堂嫁七年夫死年二十六沈五者
曰里堂格堂弟也素狂諄無人理嘗私其兄子乳媪烈婦遣
之及格堂死既殮五昌言於人曰兄死嫂女子不能自活不
免以孤姪累我若母以嫂室我若何格堂母李小家女不知
禮法事卽應曰良便因目烈婦母朱曰顧不敢專耳朱憤然
唾之鬨而罷一日烈婦入私室五亦入烈婦叱之五曰吾猶
兄也烈婦詈而出且泣且訴李李若無聞知者五既犯烈婦
不得則啣其逐乳媪也月之晦烈婦奠夫室中北嚮哭李亦
吳江縣續志

卷二十六

人物十一

七

北嚮哭五懷刃自後入剗烈婦項達於左而喉未殊李驚起
問爲誰婦不能聲舉手五指五復突入刃脇下乃絕眾獲五
牀下聞於官依律擬五斬立決梟示烈婦得 旌如制道光
二十二年十一月也

於烈女菱蕩灣人字浦氏子浦氏子疾其家請於女父母謂
女過夫門病可瘳俗謂之見喜父諾之女有難色繼請以旦
往疾已革女返越日訃至自縊於房年十九

馮烈婦柳氏柳樹芳女適黎里馮廷椿廷椿死婦年二十九
哀痛成疾後廷椿百日卒遺言以墨線殮

凌烈女南莊村人字張氏子未婚壻歿女投繯死

吳烈婦陸氏吳恩培妻年二十三歸吳越歲夫歿卽自縊死

咸豐四年

陳烈婦沈氏陳應貞妻年二十九夫歿越七十九日營葬畢服毒死咸豐七年

董烈婦鄭氏舉孝廉方正董兆熊妻兆熊卒葬畢自縊死越兆熊九十六日咸豐九年

陳烈婦仲氏陳愚泉繼妻夫死之明日服毒以殉咸豐九年程貞烈婦周氏程鈞培聘妻爲程養婦年十八未婚壻歿自縊以殉咸豐十年

爰烈婦龐氏爰聲和妻粵賊之亂夫與子皆亡失訛言夫已死婦聞之自縊咸豐十年

袁烈婦吳氏袁鈞陶妻鈞陶後於長房婦奉所後與所生舅姑稱孝謹年三十鈞陶歿婦暗自仰藥出釵釧付其家人曰以治我夫婦喪餘歸我兩姑言訖毒發死咸豐十一年

吳江縣續志

卷二十六

人物十一

八

朱烈婦費氏陸烈婦朱氏費朱兆梁妻兆梁前歿咸豐十年避亂震澤之韭溪子光溥官浙江聞警道梗不得歸婦攜其孫與女自隨五月十日賊至度不免揮其孫炳麟去遂以遇賊死逾五六年炳麟以軍功官至郡守女卽陸烈婦也適陸應龍爲繼室應龍有羸疾婚逾月死前室子在襁褓中未幾亦殤及亂母迓之來同避居韭溪母旣遇賊死烈婦爲賊得明日有同擄者逃歸言烈婦於是夕刺殺賊引刀自剄死二烈婦皆得旌朱烈婦已嫁嘗割股療其祖母及父疾云黃烈婦吳氏黃志堅妻志堅早世遺兩女無子少女嫁於葉長女贅壻施未三年壻亦歿母女相依爲活咸豐十年賊犯吳江烈婦投池中死女號泣亦投水中賊去見屍浮水上母女手相攜也座池側

王烈婦倪氏王鐵卿妻賊來時烈婦隨其夫以逃賊追至婦盛年艾容恐爲賊得語其夫曰速走我死此間矣遂投水中以死

顧烈婦某氏賈人顧某妻居古家灣賊掠至烈婦投水中死李烈婦金氏李鶴山妻烈女鶴山女也鶴山已前歿城既陷避賊於城外二十餘里賊復掠至縱火焚屋烈婦懼出而爲賊辱與其一子二女同焚死烈女已適沈爲養婦因視母歸與母及弟同死火中

有母女三人不知其姓氏避居吳淞江賊至母以繩繫其二女共投水中死

陳烈婦葉氏烈女四姑陳壽熊長子婦及女也咸豐十年六月八日黎里團練已敗賊入壽熊家家後門有河先已牽烈

吳江縣續志

卷二十六

人物十一

九

女去閉置鄰屋樓上去掠他室烈婦知不得免投河水中烈女在樓上望見其嫂則亦從樓上自投入河烈婦夫孟肩烈女字平望吳乃昌

陳烈婦郭氏東珠圩陳御皋繼妻同治元年粵賊沿村劫掠烈婦自沈於吳天尊蕩死

陸烈女程克昌聘妻克昌從軍甯國訛傳凶耗女聞之自縊死年二十九同治元年

簡烈婦張氏簡嗣潢妻先是嗣潢奉其母與家人避亂他所同治二年冬官軍復蘇州進屯平望規嘉興嗣潢乃歸盛澤時湖州之賊屯新塍壇邱與盛澤接壤鎮西南茅公橋民結團賊來團眾潰賊掠茅塔至鎮縣丞某扃柵門遁所駐礮船數十艘亦遁土匪乘間大掠嗣潢率其家人望北而走顧柵

門扃逃者不得出盡折而西踐踏死者數十人烈婦見事急泣語夫曰不能復事姑矣投俞家渡水中死年二十四死之日三年正月二十八日也

沈烈婦朱氏沈尹模妻年三十夫死同日殉同治二年

陳烈婦任氏陳品珍妻年二十八夫歿哀毀越三日嘔血卒金烈婦潘氏同里人諸生金兆桂繼妻烈婦歸兆桂時兆桂已得弱疾兆桂有兄曰兆榜不能制其悍妻釁於室烈婦已不及事其姑顧能彌縫其間兆榜妻於烈婦無間隙焉後兆桂病益瘠弱烈婦百計調護之卒不起當兆桂病亟時人不見烈婦有愁容舉止如常時及兆桂死撫屍而慟家人不知其有死志方倉卒間已服毒殉矣兆桂臨死歎曰使早得吾婦金氏家難當不至此里人無不嘖嘖稱歎烈婦而同時有

吳江縣續志

卷二十六

人物十一

十

馮烈婦李氏馮錫閏妻生子方數月夫死家人密防之婦曰我有孤當撫勿防也數月子又死遂縊朱烈婦顧氏朱駿繼妻夫死烈婦懷毒俟人皆睡吞之而卒事皆在同治六年馮朱二烈婦蓋聞烈婦之風而興起也

范烈女監生范升元女咸豐十年夏女恐賊至受辱遂自經年十八

俞烈婦唐氏俞泗繼妻賊至平望泗爲賊擄婦吞金以殉年四十三

俞烈婦汝氏俞永嘉妻夫死後三日沐浴更衣自經死年二十七

邱烈婦於氏邱玉麟妻夫死明年六月子又殤婦絕粒二十餘日卒年三十

沈烈婦朱氏從九品銜沈咸欽妻咸豐十年城陷投南門外
池水中死年六十一

褚烈婦徐氏褚蘭芳妻夫歿同日縊年二十五

沈烈婦陸氏沈日琦妻年二十五歸日琦夫歿以哀泣死年
三十

呂烈婦陳氏舉人呂鴻寶妻婚三十餘日鴻寶入 都應禮
部試下第未歸同治七年有傳鴻寶惡耗服毒以殉年三十

一

柳烈婦龐氏柳少椿妻夫亡投水中死

朱烈婦石氏朱慶椿妻夫故有娠及生不育絕粒死年二十
八

吳江縣續志

卷二十六

人物十一

十一

溫烈婦陸氏松江諸生溫和繼妻徙居邑之陳思村有子死
海寇蔡牽之難道光八年夫死烈婦年三十溫故單族且客
居貧無以殮有弟子崑山李沈鈺爲經紀其喪且買地以葬
將殯烈婦謂李曰勉之吾隨爾師至矣李勸慰之陰屬其鄰
防護烈婦越一日而烈婦之訃至合葬於崑山之成區三圖
未 旌

程烈婦李氏年十七適盛澤程氏子爲養婦年十九婚未半
載而夫亡程故家微也其姑素不謹兼欲導其婦日招鄰之
少年數輩至謂烈婦曰若孰與若美烈婦輒走避不令見居
數年姑意不已烈婦走告母曰欲與母共處相守而勢不能
唯有死耳歸易服自縊於室時同治七年年二十三未 旌
吳烈婦某氏夫吳四盛澤人給學舍掃除之役卽家於其旁

四有兄吳三頗積財與四別居四病篤烈婦走告三三不一
來視及四死三恐其累己也僅遣其婦來烈婦撫尸大哭入
臥室自經死同治十二年六月也未 旌

顧烈婦沈氏浮婁村民顧益峰妻婚兩月夫死烈婦年二十
姑欲令其改嫁縗經自經死去夫死四十九日光緒二年八
月也未 旌

顧烈婦吳氏監生吳家梗女候選訓導顧孝溥子生員顧友
慎妻年二十六夫亡越七日仰藥以殉時光緒三年五月本
年十月 旌